

甘  
寧  
青  
史  
略

第  
四  
函

廿

字

青

史

每

一  
一  
一

甘肅青史略卷之三十一

甲 民國十三年春正月甘肅設兵工鑛師養成所 督軍陸洪濤創設兵工鑛師養成所 所以趙元貞為所長附設教育廳

署內招中校畢業英文程度較優者共三十名五年畢業元貞聘河南大亞大學畢業之張人鑑石心圖來甘擔任教授純用英文原本至十七年 郁芬改設甘肅鑛質化驗所以石心圖為總辦張人鑑附之

三月華洋義賑會請修響水子橋

出蘭州東行四十里即響水子 十步出街口有地曰三道峴水由

其勢散漫一望無涯老者渾者負者荷者提攜而捆載者騎而聘者鞭而者 者乘駕傳遞者藏會載梯航者夷民禮佛膜拜者畫而嬉者憩者宵而火燭者扞撥者期 而庸估租貢舛錯縱橫者舉百千萬有之形形色色至此皆由水中行一日不橋道且梗 甚華洋義賑會會日屢由此經過謂此處修橋與陝西鞏橋遙遙相對而之督軍而修之

鳩工庀材以待 來年然後畢

督軍署募捐建陶公祠於小西湖

前皋蘭縣知縣陶校在甘肅久廉潔自好頗洽輿 情後由陝甘總督升任兩廣卒於任諡勤肅督軍

陸洪濤為其員屬感念舊恩建祠於蘭 州西郊外之小西湖倩劉爾忻監修

命武曰文官 不愛錢武將不 惜命天下大治 矣天子方深 自好宜人之 愛戴不忘

絳蓮花池經過  
狀况遙遙五百  
餘年其間興廢  
盛衰令閱者有  
無窮感慨

案小西湖在皋蘭縣西五里

舊名蓮蕩池  
俗名蓮花池

明肅邸瀛神泉水為之方五里餘

南倚長城北傍黃河河外山如翠屏遙為勝概之助肅藩時亭榭樓臺修飾

鉅麗而皆毀於明季流寇清康熙五年巡撫劉斗奉天由涼州移駐蘭州水

中隄外稍事築構已總督吳達善滿州正紅旗進士  
乾隆二十年任更加修葺頗堪遊覽方與

紀要作蓮塘池者即此地也乾隆四十六年為撒拉回所毀嘉道時恢復舊

觀同治七年復為河匪圍殿臣焚燬至光緒初官吏因其遺址淤者濬之庫

者崇之顏其坊曰小西湖湖之南有祠祠水神祠之北刻圓右曰獅跑泉湖

之中巋然而高者來青閣也其東有齋舫其西有螺亭再西則臨池仙館在

焉滄桑變後隴右公學同生火柴公司居於此

周應澄

永壽人舉戊  
子科鄉試

曰天下之名勝非自名勝也因人之名勝而名勝之越

圖事者爭為收  
發則收發之多  
財可知財自何  
來實官病民無  
惡不作矣

風想社貴狐假  
虎威收發弊實  
叢生莫可究結  
省政府略加損  
顛彼輩明知不  
勝事非目不  
行收事亦認  
為調濟親友之  
優差

之西湖以和靖之伴梅鶴於孤山也吳之金山以東坡之留玉帶於山門也

蘭州之西湖金山規模雖小倘得名流為之品題安之不與東南名勝以俱

傳耶或曰小西湖宜名蘭花池以其地多馬蘭花土人誤蘭為蓮而轉為蓮

花也是說也亦有理焉姑存之

夏四月省政府通令各縣嚴防收發員舞弊

前清末各省門丁之害甚於吏胥之於官尚遠而疎門丁日侍官側最易

窺伺官之喜怒以施其伎倆其在官衙署竊假威福不過招搖而已而州縣為親民之官若輩播弄其間為害尤鉅不可窮詰奉春爐歷任各省督撫以門丁竊民尤甚署內司

閩事務均改派收發委員以專責成後督兩廣令飭所屬各府廳州縣將簽押稿案名目一律革除乃署廣西桂林府全州州同劉蔭琛縱容門丁李雲甫李松甫串同書辦蔣吉

安借案詐得贓三起並經原告蔣志道上控提省質訊贖證確鑿當將李雲甫二犯親提正法劉蔭琛革職發往新疆當是時甘肅防照辦理有請委收發員者庶幾吏知所儆

戒或可稍挽頹風及嗣體變更各縣概用收發向也視為奴僕今也尊為職員行之既久其弊較前清州縣門丁更甚十倍知事天姿陰險收發等附翼為張任性妄為毫無忌憚

其中材以下本可勉為循謹若輩必多方聳動使官不為廉非後售其奸而肆其毒其不肖者倚之為心腹用之為爪牙推波助瀾敲骨吸髓若不嚴行取締其何以甦民困庶官

後十二年宵主  
庶實城內  
編拆修常十  
外馬路時常  
全石易結洋  
工最其包  
三萬人零

方也齡舉由州縣起家  
在甘肅多年深知收發員之舞弊防不勝防  
除通令各縣外並派員分路密查將殺一以警百其意亦良苦矣

幕壽祺曰余久居金城見有游手好閒者其家幾不能舉火一旦高車駟馬招搖過市日奔走於權貴之門何富之暴也及問其頭銜則充外縣收發而已旁觀者豔而羨之謂收發之多得錢與縣知事等然各縣收發僅一人耳自區長之制行一縣劃為五區五區長與收發狼狽為奸地皮乃刮盡矣而長官不知也雖有岑春煊其人者誅之不可勝誅矣

### 五月令商務會會長史彰修蘭州馬路

蘭州城內外官道相傳明肅王所修純以大石砌成歷五百餘年高下不齊行人苦之至

是大修復以火石碾而碎之上覆黃土遇雨則寸步難行

### 六月省政府改善照寺

俗名大佛寺今中山市場

### 為蘭山市場

寺在省城內東南隅唐貞觀中敕建清道光十三年前總督楊遇春

與木塔寺同修自道光至今殘破不堪陸派濤擬改為市場舉蘭正紳劉爾忻以寺中存儲明刻藏經五千四十八卷且為有歷史之建築品似宜保存事遂寢民十六年國民軍改為中山市場惟正殿雖然尚存藏經完好如故

大佛寺之外又有莊嚴寺在城內鼓樓西亦係唐初建其規模稍狹不及大

佛寺之半而三絕噲灸人口訪古者至此輒徘徊不忍去所謂三絕者謂塑

絕寫絕畫絕佛像均勻生動衣褶細疊迎風欲舉塑絕也元李浦光所書敕建莊嚴禪院字體遒勁直逼顏魯公寫絕也壁上觀音像既端好而所披白衣覆首至足儼然紗縠柳枝經久翠色如新相傳吳道子所爲縱未必然當亦出自宋元高手畫絕也民十六年國民軍改爲教育館

嘉壽祺曰蘭州大佛寺唐初奉旨勅建相傳尉遲敬德監修其事雖無可考而歷代保存蓋已千餘歲矣清光緒癸巳余肄業求古書院與大佛寺鄰嘗與同學隨喜見山門老壞不葺四大天王殿圯卽其地屯煤甄及謁大雄殿晨香夜燈無人主持蓋僧人惟酒肉錢財是務藏奸納垢無所不爲遊覽者望望然去之民國初舉藍和尙爲方丈稍稍整頓矣政府又擬改建商場豈地之興廢有時耶

秋入月省政府令張掖縣保護八寶山松林

初甘州所屬扁都口之南有野馬川焉  
路通青海逼近蒙番清嘉慶四年九月

問前甘州提督蘇甯阿因番賊搶馬之案緝履野馬川周覽山川形勢望之蔚然而深秀  
高插雲霄者所謂大八寶山也山之巔萬松森列積雪丈餘或數尺不等甘民衣食之原  
也山最深處是為河腦黑水之所從來也冬雪夏消溶為雪水與黑水匯而為一出野馬  
川北流山後自西南向東北流至張掖界初出山之地名上龍王再流五里許地名老龍  
潭張掖東八渠西六渠從此分界是故雪愈深水愈旺松林之利於民生如此特地處偏  
僻奸民偷伐松林有礙水源即絕民命蘇甯阿奏請禁止詔可購鐵若干斤鑄為鐵牌重  
三百五十餘斤上鐫聖旨二字有人代松樹一株者與命案同又恐奸民之擅行移動也  
以鐵練繫於八寶山之松根六年商民孟浩王恆吉等以軍需缺鉛在甘肅布政司衙門  
呈請開採饅頭山鉛鑛當時飛檄查勘已有不能封禁之勢蘇甯阿奉文後派員往視所  
謂饅頭山者則八寶山微東之小八寶山即前次挖金代樹之故址也援照前案封禁七  
年奸商又探得保重山鉛鑛蒙混長官批准開辦蘇甯阿謂保重山仍係小八寶山並致  
書當道略謂鉛廠一開必需木柴本山之柴少而易盡勢必取材於大八寶山伐之日久  
則樹少而不能積雪甘州五十四渠之水源從此日漸減少八年六月始收回成命永遠  
封禁以迄於今今則滄桑已變鐵牌無靈斫伏松林者大有人在省政府委查屬實令該  
管縣長認  
真保護

案八寶山在野馬川之中野馬川者甘州東南境也甘州青海相往來皆以扁都口為孔  
道而止宿於野馬川蓋山口之路寬平而水草豐茂為懷阿爾賴牧地凡出入扁都口盤



據大草灘游牧馬支山一帶者皆其部落清道光末總督林則徐令甘州提督胡超防番於野馬川可知其地之重要矣

慕壽祺曰河西各縣所賴以澆田者山中流出之雪水耳夫山水之歡盈蘊

於冰雪而實裕於林木嘗見八寶山之松林矣雖炎夏時望之則樹頭皆白

蓋冬月雪盛積素深林至來年夏雪即消融萬斛原泉不擇地湧出流之不

已取之無窮此保護森林之莫大利益也若林木疎則雪不凝而山水不給

矣雖有時而補救欲其霑足難矣哉

督軍署派員貢洗馬於孚威上將軍行營

吳佩孚欲統一西北必先征服東北奉直兵端已開張作霖極力抵禦陸洪濤為親

吳派之有勢力者助餉若干外人無從調查復選洗馬四千蹄派員送至灤縣其軍士需用之皮衣及秦安伏美等縣交做之毛驢手套決至涇川佩孚已上鶴公山矣

慕壽祺曰民十三年自春而秋省政府慘淡經營為西北邊防之要事者修

汽車路耳先是洛陽吳佩孚屢電甘政府內言隴海鐵路一時修不到蘭州

時吳佩孚練兵  
洛陽或問之曰  
將來可與誰國  
開戰否似乎笑  
曰何言之易也  
秦西諸國善於  
用兵而國於言  
戰望我民國政  
治修明紀綱整

飭濟池無盜弄  
之變鄰邦自無  
窺之心古人云  
戰勝於朝廷折  
衝於樽俎有以

清末北洋大臣  
袁世凱以電需  
隊為行軍要需  
日設營於軍械  
局內講習無線  
電報原理及用  
法是無線電發  
明已久

惟賴汽車路以利交通請從隴東修築以與陝西接連陸洪濤空言搪塞迄  
未動工洛吳復電催數次推無可推始議分修之策自蘭州東門外至會甯  
縣止省政府任之靜甯縣起至陝西長武縣止隴東鎮守使任之奉直兵端  
既開蘭州一段僅修至東崗坡遂視為緩圖以無人再催故也至十六年秋  
九月國民軍司令劉郁芬大修汽車路今則自西自東自南自北無往不通  
矣

乙丑十四年春正月督署參謀長魏鴻發赴京置辦軍械並運無線電機器

北京開善

後會議段執政令各督軍省長委代表來京以資討論陸洪濤委  
財政廳陳能怡為省長代表魏鴻發為督軍代表限正月底到京

案聲音清濁自空氣顫動而成今之無線電以顫動數等則彼此相應也古  
人造律意即在是莊子徐無鬼篇說魯遽調瑟廢一於堂廢一於室鼓宮宮

動鼓角角動音神同矣御覽五百七十五引廣古今五行記曰晉中朝有人畜銅爲盤晨夕恆鳴如人扣打以白張華華曰此盤與洛鐘宮商相諧故聲相應可錯令輕則韻乖自止章詢嘉話錄云洛陽有僧房中磬子日夜輒自鳴僧懼成疾求術士百方禁之終不能已曹紹夔來問疾僧具以告俄擊磬鐘磬復作聲紹夔出懷中錯鐘磬數處而去其聲遂絕僧問其所以夔曰此磬與鍾律合故擊彼應此此皆無線電之理也

葛壽祺曰無線電之構造能縮萬里於跬步對面接談何其巧也倘敵機來甘空襲鄰省隨時報告使我得有准備斯卽防空之利器雖然猶有慮昔法人盛時嘗爲輪路以逼普及其衰也普人卽由輪路伐之今漢奸布滿內地我政府一舉一動敵人知之最悉則防無線電之洩漏消息比防空更難矣

至令街談巷議  
謂馮玉祥投馬  
二賈主榮又  
以無緣電送第  
二師皆不明其  
相者也

又案民國十三年冬馮玉祥既推翻總統曹錕由古北口班師回京臨時執政段祺瑞任  
玉祥爲西北邊防督辦乃以所部第十一師第二十一旅旅長劉郁芬爲陸軍第二師師  
長是年正月玉祥移駐張家口欲實行開發西北遂檄劉郁芬率第二師全部駐晉北  
縣包頭一帶其地與甯夏接壤督軍陸洪濤囑令魏鴻發到京後先往張垣接洽馮督辦  
俟善後會議畢再由甯夏回蘭  
道經包頭與劉郁芬商酌一切

### 院門前發見人肉包子

今省署  
大前門

包子乃食品之一傳自宋代其作法以肉和菜切碎實  
麵中捏小餛飩首形蒸食之院門口向有賣零食小攤時

連年亢旱城外有餓斃之人其屍無人掩埋有王禿子者取死屍之肉切爲餛飩成包子  
價廉而肉色稍黃他人不知也日者有一村農年已七十餘矣同治回亂時喫過人肉  
在院門前買包子充饑甫入口即大呼曰這是人肉同食者報  
告站崗警察將王禿子送總局以案情重大移送地方檢察廳

案高承則事物紀原諸葛亮征孟獲人曰蠻地多邪術須禱於神假陰兵以  
助之然其俗必殺人以其首祭則神享亮不從因雜用羊豕肉而包以麵像  
人頭以祀神亦享焉後人由此爲餛飩物原諸葛亮作餛飩夾餡郎瑛七修  
類彙謂本蠻頭訛爲餛飩非也甘人則呼爲肉包子

燕翼貽謀錄有云大中祥符八年二月丁酉值仁宗皇帝誕生之日眞宗皇帝喜甚宰臣以下稱賀宮中出包子以賜臣下其中皆金珠也此卽餽內包以金珠也嘗聞清代戶部銀庫兵丁盜銀每使人向肆中購包子若干彼一將餽挖出而實以銀復整合之食者止數個而已復遣人持出用蔽監者耳目與此相倣

二月會甯縣呈請省政府籌款開松樹岔煤礦會甯然料缺乏城鄉居民均以牛羊道路泥濘雖有錢亦無處購買若用木炭石煤則須仰給外縣價昂而來亦不易茲探得距城三十里之松樹岔產煤頗佳紳民集資開採非止一次均半途而廢現在煙畝罰款歲收五百萬元請省政府發洋萬元開萬世無疆之利爲一勞永逸之謀省政府以煙款劃作軍餉自向督軍府請求

省政府令教育廳審察省內外各學校教習學校中校長而外首重教習教習之邪正賢否學生之趨向行習視爲轉移一

有不慎貽害甚巨必得端人正士碩學通儒分門各專一席方足挽頽風而收實效省長林錫光前在教育廳任內深知省城各校教習敷衍者正復不少以其昏昏使人昭昭未

免誤人子弟

故有是令

慕壽祺曰荀子云今學曾未如肱贅則具然欲為人師近之為人師者求如肉瘤之學亦不可多得徒以客氣虛張激於一時也非細加審察不可至學生品行如兩次分數不足可降格以示懲儆庶害羣之馬不至濫竿其中矣

三月天水鎮守使孔繁錦設廠製革

製革之學德為上英美次之西國幾無事不用革究以軍界所用為最多一軍之中兵士足有

履彈有匣負鎗有帶騎兵有馬礮又有輜重隊以及武弁之佩帶佩刀藏銃有囊處處須革視為固然其原料大都購諸中國亦有在中國製造者俄商在漢口設廠製革途獲無窮之利中國編練新軍應用之革均仰給於外北洋各軍僅就皮帶皮鞋兩項言之每歲估洋六十餘萬元宜仿日本之法於京師設總組製革廠其所製成之貨先僅陸軍之用而以其餘售於民間聞日本總組會製革學士曾在湖北考察原料水質天時謂可製出良革現今世界交通人皆用革官於湖北設廠製革惟革廠所需之水切忌內含電質至柔革所用之樹皮潤革所需之魚油皆為鄂省所有且廠地不必甚大廠屋無復多間開辦資本統計十餘萬元便可敷用孔繁錦宦甘多年考察青海甘涼等處所產牛皮以之製造軍用器物美而價廉且可挽回利權呈請督軍在蘭州設廠以開辦費約須二十萬元一時恐難湊齊且甘肅在外洋製革廠畢業者實無其人以是遲遲年復一年繁錦乃

著先

泰西製革之學不在皮也剖樹取膠製膠成物其堅者可代骨角其柔者可代皮革其大用在能禦水故製管製帶製輪製鞋製雨衣而化學家電學家醫學家復藉此以爲避氣避電之器大抵以橡樹原料爲最多學校中用之寫字繪圖可以去筆誤其用既廣其利自豐英國取料於印度非洲輸出之品獲利無算此項含膠之樹熱地最多滇桂南境及浙江境內往往有之惟製法不如西人之精甘肅文武成康等縣宜種橡樹閩廣兩省之官商旅居蘭州者頗不乏人宜就詢其種樹法製造法輸運法而後設廠仿造逐漸講求亦係減少洋貨之一法

慕壽祺曰今列強之戰制勝於無形者曰工曰商然無工以製造熟貨行銷鄰國則雖有商而無適於用故工爲尤重工之學有心得焉而後可以出諸手自甘耳曼創手工學瑞西德意志悉取而實行之甘肅各小學堂靡不有手工學矣其關於軍界所需用者又僅矣夫工廠之所最困難者恐無原料耳甘肅青三省畜牧之獲饒於耕耘牛皮處處皆有

此案陸仙棧置之高閣至薛省長駕河蒞任後查據前案電請商辦轉商政請分英新並請少堂先生就近向中英當局切實交涉以修實黃河航路

洋商購諸西北連回本國製成熟貨仍售之中國往來運費及出入海關稅等等所費不貲而猶有三倍利若以本省原料設廠製革比之洋商便利多矣此固各學堂所以講求者也夫豈秦州而已哉

### 夏四月省議會副議長慕壽祺列席北平參政院

慕壽祺在北平時電甘肅省長省議會請向中央索還英款其文曰

英國庚子賠款約七千萬兩現在實行退還該國正副委員業已到京面商政府規定為補助中國交通水利與勞工三項事業祺即面謁外交總長詢問此項用途據云交通以

接築西南之粵漢鐵路與興修西北之甘新鐵路為限水利以導灌疏濬黃河與河套為限勞工以提倡職工教育與勞工衛生為限分別補助務使全國普及利益等語俱聞鐵

路自陝甘界修至哈密據交通部估計應需款一萬萬二千萬元此次退款全數尚不敷用似難分配惟黃河航路流通商貨為甘肅致富之源亟宜乘此分配款項切實疏濬俾

甘人普受利益查黃河修治要工自導河至靖遠之五方寺以開闢山峽炸毀灘石為最要宜向木商糧商久操役業者詢取危險工段繪圖說次第濬修以除障礙自五方寺

至平羅之石咀山以挑去淤沙寬舒河身為最要而石咀山之三道坎亦宜炸平以利行駛其他沿河應修渠道如青銅峽口之廢渠藉便淪成可使牛首山下數萬項草灘化為

沃壤應修山路如青銅峽中之舊路略炸山根可使大車直達甘涼凡此皆萬不可緩之工程應用專門工程師名即聘專門人材應用普通工作者即用本省工匠夫役如此辦

理既為隴上與無窮之利且本省貧戶得工賞以贍其家即勞工亦普受利益與中英當局原來規定相符務請省長迅予調查積極籌備議會博採輿論議決辦法凡電有未

局原來規定相符務請省長迅予調查積極籌備議會博採輿論議決辦法凡電有未

局原來規定相符務請省長迅予調查積極籌備議會博採輿論議決辦法凡電有未

局原來規定相符務請省長迅予調查積極籌備議會博採輿論議決辦法凡電有未



中歷古利最多  
 前朝四百八十  
 見杜牧之詩北  
 魏一萬三千見  
 通盤今猶想見  
 其盛英之傳數  
 者獨至西事日  
 與番僧為伍書  
 持貝葉摩仰達  
 花賦矣雖然豈  
 其為應經而來

盡之處不厭求詳即將此項辦法與分配款目逕電中央當局切實請求支配并將辦時情形隨時電示京寓俾便與中英當局就近交涉且請全國省議會全力補助求達目的想省長顧念地方議會關懷利害必不以爲緩圖也臨電神馳恭候明教

英教士傳教於西甯塔爾寺

黃教祖宗喀巴生於塔爾寺故寺院規模迥異尋常頗爲前後藏一般民衆所景仰印度僧人亦嘗有來朝者寺有

呼圖克圖主持黃教每坐牀宣講旁列番僧十八人俗謂之小佛爺藉以闡揚真理覺悟羣生而一切旁門異教不與焉至是英國教士賂寺院管家許傳基督教並撥地基建築

教堂

案宗喀巴蒙古族今青海皇源人幼名阿劫一名羅卜藏札克巴元順帝時

生於西甯塔兒寺八歲出家二十四歲赴西藏三十四歲後闡明黃教高足

弟子有三曰達賴喇嘛曰班禪額爾德尼曰哲布尊丹巴俗謂宗喀巴生明

永樂十五年誤

慕壽祺曰英人所繪地圖以青海爲新歲教權所至之地即勢力所達之地